

Bung Karim Bilong ol Rip Pis



15% i lus pinis...
60% i wok long go daun...

© Rachel T. Graham



SCRAF
SOCIETY FOR THE CONSERVATION
OF REEF FISH AGGREGATIONS

Bung karim em i wanem samting?

Em i taim wanelia lain pis i kam bung na brid long kamapim pikinini pis. Em i bikpela samting tru long laip bilong ol rip pis, na tu long ol pisamen.



© Rachel T. Graham

Wanelia ples bung karim bilong ol dog snapper (lukim fran kava) long Sentral Amerika. Pis man na pis meri i wok long rausim kiau biolong ol long solwara wantaim, na dispela bai kamapim nupela pikinini pis. Dispela kain pis isave bung wanelia taim tasol long wanelia yia long brid.

Bung karim em i bikpela samting tru long laip bilong ol rip pis. Moa long 100 kain kain rip pis i save bung long hap taim tasol long brid. Ol nupela pis ikamap behainim dispela bung isave bringim kamap populesen bilong pis, we istrongim wok pisaris na tu, strongim sindaun bilong ol man/meri long ol ples nambis.

Kain kain rip pis i gat taim bilong en long bung karim. Sampela pis i save bung karim klostu long hap ol isave stap. Na sampela pis i save suvimhandret kilomita longwe long ol rip we ol i save stap long kam long ples bilong bung karim. Sampela taim moa long ten tausen pis iken bung long brid.

Bilong wanem na yumi wari long ol ples rip pis i save bung karim long en?

Em i isi long painim rip we sampela pis i save bung karim long en, na i isi tu long pinisim wanelia lain pis taim ol i stap long ples bilong bung karim.



© Scapes.com

Long planti pis, ples bilong bung karim i save isi long painim. Olsem long sampela hap long westen Pasifik long ol rot namel long ol rip we ol pis i save kam bung long wan wan sotpela taim long olgeta yia long karim ol kiau. Piksa ol i kisim long balus i save soim klia ol dispela ples.

Bung karim bilong kain kain rip pis long wanelia eria isave kamap long wankain rip insait long wan wan yia. Sapos ol pisamen i save long ples bung karim bilong wanelia lain pis, ol iken kisim plenti pis long en, na tu, bai ol inonap malolo long painim pis long en. Dispela kain pasin painim pis iken bagarapim namba bilong dispela kain pis, na tu, bai wok pisaris long dispela eria i iken bagarap.

Wanelia liklik tok klia

Pisamen husat isave painim pis tumas long ol ples bung karim iken daunim namba bilong dispela lain pis long sotpela taim tasol. Sampela taim, taim pisamen ipainim wanelia ples bung karim, em i iken pinisim pis long en namel long wanelia, tupela o tripela yia tasol, bai inogat moa dispela kain pis.


Namba bilong rip pis i wok long go daun long olgeta hap long wol

I gat plenti exempl.

© John E. Randall



Brown-marbled grouper



Squaretail coral grouper

© John E. Randall



Camouflage grouper



Laip pis ol i salim long Hong Kong.

Yvonne Sadovy

Tripela kain bikmaus i save bung long wankain rip long ples bung karim. Dispela tripela bikmaus em – camouflage grouper, brown-marbled grouper na squaretail grouper. Ol dispela bikmaus prais bilong ol i bikpela, na i isi long painim long ol rip we ol i save bung karim long en.

Insait long Indo-Pacific, plenti ples bung karim i wok long bagarap behainim wok painim pis long ol dispela hap. Long Philippines, Indonesia, Fiji, Solomon Islands na Papua New Guinea, namba bilong sampela pis long ples bung karim olsem bikmaus, ret pis, wesan pis, karua na nilpis i wok long go daun olgeta o i lus pinis.

Dispela hevi ikampi bikpela taim ol i kirapim wok bilong laip rip pis tred long salim laip pis igo long Hong Kong.

© Seapics.com



Bai yumi lukautim gut ples bung karim olsem wanem?

Salens bilong tambuim na lukautim



© Scapies.com

Tambuim na lukautim bikpela ples bung karim bilong dog snapper olsem dispela long Belize beria rip long Caribbean Sea em i wanpela bikpela salens.

I gat sampela wei bilong lukautim ol ples bung karim.

Sampela long ol dispela rot i karamapim:

- Putim tambu long painim pis long ol ples bung karim. Long taim ol pis i bung long brid ol man/meri i noken painim pis long en.
- Makim dispela ples bung karim olsem wanpela tambu ples long noken painim pis long en.
- Putim tambu long salim ol dispela kain pis long taim bilong mun ol i save bung karim long en.

Lukaut bilong solwara tasol i no inap

I mas i gat moa tok klia.



© Scapies.com

Ol wok painim aut insait long solwara long ples ol pis i save bung karim long em i importen tru. Ripot i kam long pisaris wok painim aut i orait, tasol sampela taim em i ken paul liklik sapos yu no glasim gut.



Wok intavu wantaim ol pisamen long ol ples nambis long Papua New Guinea.




Ol lapun igat planti save long pasim wok pis bilong bipo. Save bilong ol i ken halivim yumi bilong nau long kamapim gutpela wok lukaut, plening na ol edukesen program.

Long kamapim gutpela wok lukaut na tambu, i mas gat moa save long:

- Taim na ples we ol pis i save kam bung karim long en;
- Wanem rot long rip ol pis i bihainim long kamap long ples bung karim.
- Wok painim aut long namba bilong pis na bikpela bilong ol emi importen. Dispela kain save opim rot long gutpela wok lukaut.


Yumi nap kamapim wok lukaut long ples bung karim or nogat?

Long sampela hap long wol i gat gutpela wok lukaut i kamap pinis, tasol i no plenti tumas.



Charles Amerson

Bel bilong dispela meri pis i pulap wantaim kiau na i redi long brid. Ol ples we dispela kain pis i save brid insait long Caribbean i wok long kamap gut gen bihainim wok tambu na lukaut.



Moa long 140 ples bung karim, we igat sampela wok panim aut long ol pis isave stap long en long bipo ikam nap nau, namba bilong pis long en i wok long go daun. Namba bilong ol pis iken go antap sapos igat sampela kain tambu na lukaut.

Gutpela samting i wok long kamap nau em, moa luksave i kamap nau long ol ples bung karim. Ol wok tambu na lukaut i no long taim i go pinis i kamap long Belize na Cayman Islands, Australia na Pohnpei; nau i kamap long Palau na USA na ol arapela ples tu.

Ol sampela asua long dispela em:

- Imas gat moa informesen long save olsem tambu na lukaut ikamap long stretpela rip na taim bilong bung karim.
- Ol bung karim i no inap kamap strong tumas insait long ol tambu eria ;
- Ol pisamen husat i save long ol rot pis i behainim long kamap long ples bung karim i ken bagarapim yet dispela lain pis.

SCRFA em i wanem samting?

Na mipela i ken helpim olsem wanem?



© Scaphes.com

Sosaiti bilong Konsavesen bilong ol Rip Pis Agrikesen (SCRFA) ol i kirapim long yia 2000. Bikpela wok bilong en em i bilong promotim na karimaut wok konsavesen na menesmen long ol ples rip pis save bung karim long em. Bod ov Dairektas bilong ol em ol saveman bilong wok pisaris long olgeta hap long wol.


Sosaiti i save lukuk long mekим moa wok long tok kilia (aweanes) long:

- Ol hevi bilong ol pis long bung karim
- Bikpela wok bilong tambu na lukaut.
- Kamapim sampela kain gutpela rot bilong glasim na lukautim ples rip pis bung karim long en.

SCRFA i sapotim na kamapim gutpela wok lukaut bihainim gutpela wok sains.

Em i save ratim ol samting buk bilong tok kilia (aweanes) long gutpela pasin bilong lukaut, gutpela rot long wok pis na gutpela bilong bung karim. Dispela i karamapim ol websait, niusleta, manual, databases long save long ol kain kain ples bung karim, na ol arapela infomesen. Em i save mekим ol fil stadi na konsaltesen wantaim.

Design concept & production:



Printing & distribution funded by:



This publication was made possible through support provided by the Office of Procurement, U.S. Agency for International Development, under the terms of Award No. LAG - A-00-99-00045-00. The opinions expressed herein are those of the author(s) and do not necessarily reflect the views of the U.S. Agency for International Development.

For more information please refer to www.SCRFA.org

Printed on recycled paper